

容

庶物類纂

草屬

自十二至十四

太政官文庫			
和書門	特別類	一二三六二號	第一三五番函架
			四六五册

五十七内

内閣文庫			
番號	和	32362	
冊數	465 (7)		
函號	圖	54	1

0 1 2 3 4 5 6 7 8 9 cm

A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale

C Y M

© Kodak, 2007 TM: Kodak



南404



庶物類纂草屬卷之十二目次

庶物類纂卷之十二

草屬目次

豨薟

謹按豨或作豨

一名火豨

唐本草

一名火杖草

同上 一名豬膏莓

同上 一名虎膏

同上 一名狗膏

同上 一名希仙

本草綱目

一名黏糊菜

農政全書

一名豬屎菜

月令通攷 一名白

花菜

同上

一名火燉草

丹溪心法附餘

一名莓子葉

證治

準 一名黃花母

肇慶府志

一名苦草


雷州府志

一名希

賢草

醫學集要

俗名妹柰貌密



豨薺

豨音喜薺音秋唐本注云葉似酸漿而狹長花黃白色一

名火薺田野皆識之今按別本注云三月四月採苗

葉暴乾唐本先附臣禹錫等謹按蜀本圖經云高二尺許

子青黃夏採葉用所在下溼地有之嘉祐補注本草

豬膏每音每唐本注云葉似蒼耳莖圓有毛生下溼地

所在皆有一名虎膏一名狗膏生平澤今按別本注

云又療虎及狗咬瘡至良唐本先附臣禹錫等謹按蜀本

圖經云葉似蒼耳兩枝相對莖葉俱有毛黃白色五

月六月採苗日乾之同上

豨薟俗呼火杓草本經不著所出州郡今處處有之
春生苗葉似芥菜而狹長文麤莖高二三尺秋初有
花如菊秋末結實頗似鶴虱夏採葉暴乾用近世多
有單服者云甚益元氣蜀人服之法五月五日六月
六日九月九日採其葉去根莖花實淨洗暴乾入甑
中層層灑酒與蜜蒸之又暴如此九過則已氣味極
香美熬搗篩蜜丸服之云治肝腎風氣四肢麻痺骨
間疼腰膝無力者亦能行大腸氣諸州所說皆云性

寒有小毒與本經意同惟文州高郵軍云性熱無毒
服之補虛安五藏生毛髮兼主風溼瘡肌肉頑痺婦
人久冷尤宜服用之去麤莖留枝葉花實蒸暴兩說
不同豈單用葉乃寒而有毒并枝花實則熱而無毒
乎抑繫土地所產而然邪本草
圖經

江陵府節度使進豨薟丸方臣有弟誣年三十一中
風牀枕五年百醫不差有道人鍾針者因覩此患曰
可餌豨薟丸必愈其藥多生沃壤高三尺許節葉相
對其葉當夏五月已來收每去地五寸剪刈以溫水

洗泥土，摘其葉及枝頭，凡九蒸，九暴，不必大燥，但取
 蒸為度，仍熬搗為末，丸如桐子，大空心溫酒或米飲
 下，二三十丸，服至二千丸，所患忽加，不得憂慮，是藥
 攻之力，服至四千丸，必得復，故五千丸當復，丁壯臣
 依法修合，與訢服，果如其言。鍾針又言：此藥與本草
 所述功效相異，蓋出處盛在江東，彼土人呼豬為豨，
 呼臭為豨氣，緣此藥如豬豨氣，故以為名。但經蒸暴，
 豨氣自泯，每當服後，須喫飯三五匙，壓之。五月五日
 採者佳。奉宣付醫院詳錄。

宋唐慎微
證類本草

知益州進豨豨丸表，臣因換龍興觀，掘得一碑，內說
 修養氣術并藥方二件，依方差人訪問，採覓其草，頗
 有異，金稜銀線，素根紫莖，對節而生，蜀號火杵，莖葉
 頗同蒼耳，誰知至賤之中，乃有殊常之効。臣自喫至
 百服，眼目輕明，即至千服，鬢鬢烏黑，筋力校健，効驗
 多端。臣本州有都押衙羅守一，曾因中風墜馬，失音
 不語，臣與十服，其病立痊。又和尚智嚴，年七十，忽患
 徧風口，眼喎邪，時時吐涎，臣與十服，亦便得差。今合
 一百劑，差職員史元秦進。

同上

豨薟

音喜

韻書楚人呼豬為豨呼草之氣味辛毒為

豨此草氣臭如豬而味豨螫故謂之豨豨豬膏虎膏

狗膏皆因其氣似及治虎狗傷也火杵當作虎豨俗

音訛爾近人復訛豨豨為希仙矣救荒本草言其嫩

苗燂熟浸去苦味油鹽調食故俗謂之黏糊菜

明李東壁

本草

綱目

按蘇恭唐本草謂豨豨似酸漿豬膏母似蒼耳列為

二種而成訥進豨豨丸表言此藥與本草所述相異

多生沃壤高三尺許節葉相對張詠豨豨丸表言此

草金稜銀線素莖紫莖對節而生蜀號火杵莖葉頗

同蒼耳又按沈括筆談云世人妄認地菘為火杵有

單服火杵法者乃是地菘不當用火杵火杵乃本草

名豬膏菘者後人不識重複出條也按此數說各異

而今人風痺多用豨豨丸將何適從耶時珍常聚諸

草訂視則豬膏草素莖有直稜兼有斑點葉似蒼耳

而微長似地菘而稍薄對節而生莖葉皆有細毛肥

壤一株分枝數十八九月開小花淡黃色中有長子

如茛蒿子外萼有細刺黏入地菘則青莖圓而無稜

無斑無毛葉皺似菘芥亦不對節觀此則似與成張
 二氏所說相合今河南陳州采豨莨充方物其狀亦
 是豬膏草則沈氏謂豨莨即豬膏莓者其說無疑矣
 蘇恭所謂似酸漿者乃龍葵非豨莨蓋誤認爾但沈
 氏言世間單服火杵乃是地菘不當用豬膏莓似與
 成張之說相反今按豨莨豬膏莓條並無治風之說
 惟本經地菘條有去痺除熱久服輕身耐老之語則
 治風似當用地菘然成張進御之方必無虛謬之理
 或者二草皆有治風之功乎而今服豬膏莓之豨莨

者復往往有效其地菘不見有服之者則豨莨之爲
 豬膏尤不必疑矣同上

豨莨俗名黏糊菜俗又呼火杵草舊不著所出州郡
 今處處有之苗高三四尺金陵銀線素根紫稽莖又
 對節而生莖葉頗類蒼耳莖葉絞脉豎直稍葉間開
 花淡黃色又有一種苗葉似芥葉而尖狹開花如菊
 結實頗似鶴蟲科苗味苦性寒有小毒救飢採嫩苗
 葉燂熟浸去苦味淘洗淨油鹽調食明徐光啓
 農政全書
 臣聞食石飲冰可作充腸之饌餌松食栢亦成救病

之方，是以療飢者不假於珍羞，愈病者何煩於異術。既獲濟時之藥，敢陳彼物之形，不耻管窺，輒于天聽。臣誠惶誠恐，頓首頓首。臣謂四時推運，負陰陽者必有可觀，萬彙發生，吐風土者寧無所益，俱承帝力，咸荷天休，或叨摘採之知，願試苦辛之効，伏惟崇文廣武，儀天尊道，應真佑德，上聖欽明，仁孝皇帝陛下，慈深憫物，道切憂民，行百王久墜之文，納羣后可言之事，以至恩沾兆庶，信及豚魚，風雨順而災沴不生，天地和而黎元盡泰，宸衷不倦，聖意難窮，臣因聽政之

餘，備閱古方之秘，盡醫民瘼，徧討物情。唐太宗輕翦龍鬚，唯思一將，宋高祖碎春琥珀，止慰三軍，又焉能竝吾皇廣濅歷代之寶書，甄別三王之所澤，咸蘇萬有溥活羣生，日月久照之方，明幽罔間，華夏升平之俗，造次奚論。臣遭逢盛時，歌謠景運，知皇風之下逮，極聖慮之猶勞，不忍緘言，常思報國。既服唐虞之教，尚乖葵藿之能，淼淼羣流，已遂朝宗之望，茫茫列曜，既諧拱極之誠，是以不度僭踰，輒形簡翰，事稍同於葑菲，理切近於芻蕘，臣所聞奏者，因換當州龍興觀

元始天尊玉皇大帝殿基掘得一小石碑子內說脩
 養氣術并草藥方二件臣依方差人訪問採覓其草
 頗有異金稜銀線素根紫莖葉對節而生蜀號爲火
 杓草莖葉頗同蒼耳不費登高歷險每常求以獲多
 急採非難廣收甚易儻勤久服旋見神功誰知至賤
 之中乃有殊常之効微臣自喫至百服眼自輕明即
 至千服髭鬚烏黑筋力頗健効驗多端臣本州右都
 押衙羅守一曾因中風墜馬失音不語臣與十服其
 病立愈又大慈寺中和院僧司副正明教大師智嚴

年垂七十忽患偏風行履妨廢臣與十服旬日並瘳
 又有玉局化主道士皇甫因上元日與合城奏醮中
 風口眼喎斜時時吐暴臣與十服立便得差今輒修
 合一百劑謹差本番職員史元龜奉表奏進臣無任
 瞻望聖恩激切之至謹奏

進火杓草方表見忠定公語錄○宋江少虞皇朝類

治翻胃及脾間諸疾腹痛泄瀉圓通維那可觀傳渠
 曾親得効皺面地蔥花即火杓草花也右不以多少
 焙乾爲細末蜜煮麩糊爲元如梧桐子大每服五十

元白湯送下不拘時候宋王璆百一選方

謹按百一選方丸皆作元皺面地蔥即天明精非

火秋草也

豬膏曰虎膏曰狗膏亦曰豨薺能亂天名精宋鄭夾滌

昆蟲草木畧

豨薺治遠年近日一切中風卧牀口眼喎邪時時吐

涎諸病五月五日六月六日九月九日採豨薺草俗

謂豬屎菜即白花菜是也去根花實淨洗莖葉暴乾

入甑中層層洒酒與蜜烝又暴如此九次氣味極香

為末煉蜜丸桐子大空心溫酒或米飲下二十三十丸

服至百服眼目明千服鬚髮黑筋力健效驗多端救民

易方益州江陵節度使進此方表文今不錄仙方云脩

養長生保命莫切於此明盧翰月令通攷

莓子葉按本草莓子葉即豬膏莓能治虎犬咬明王

證治準繩

豨薺草其葉長如牛舌其氣如豬臭者同上

謹按肯脊大成同

豨薺草一名火燉草生於沃土間帶豬鬃氣者是明方

廣丹溪心法附餘

稀簽草俗呼火炊草春生苗葉似芥而狹長莖高二三尺秋初有花如菊秋末結實頗似鶴虱夏採葉曬

乾用單服甚益元氣治風疾甚良

明俞弁續醫說

稀簽草其葉長如牛舌其氣如豬臭者

明龔信官啓大成

稀簽俗呼火炊草

八閩通志

稀簽青色苗葉似紫蘇白花州人呼其葉為火炊草

福州府志

稀簽一名火炊草圖經曰苗似芥而狹長文粗莖高

二三尺張詠知益州進稀簽丸表曰金陵銀線素根

紫芩對節而生至賤之中乃有殊常之効

汀州府誌

稀簽一名火炊亦名黏糊菜俗呼黃花母此草氣似

豬而味蒼螯故名其葉端圓末銳花微黃實似鶴虱

采葉九蒸曬用之

肇慶府志

稀簽一名苦草煎水洗毒毒用蜜製丸九蒸九曬服

之解毒降火固精延壽

雷州府志

稀簽草俗呼黃花其葉端圓末銳花微黃實似鶴虱

瓊州府志

謹按當作黃花母

稀簽草又名虎膏名狗膏辛苦平無毒重修靖江縣志

稀簽葉圓而未銳秋著小黃花子黑如鶴蝨採葉以

酒蒸曝九次丸服之治風溼江陰縣志

稀簽草人家園圃中處處有之五月五日七月七日

九月九日刈取曝乾九蒸九曬製為丸藥或以釀酒

時常服之仙方云長生保命莫妙于稀簽草其功不

可枚舉清石巖逸叟增定致富奇書

希賢草即希簽草開黃花枝葉可用梗與根不用能

去上下風毒亦可治疔瘡清朱鳳台醫學集要

稀簽簽音軒讀為僉者誤竹頭乃音僉此草如猪簽氣故以為名時珍曰沈存中

筆談云世人多誤地崧為火杓軒音者沈所謂地崧即

天名精謂火杓即猪膏母又即猪簽也珍常聚諸草

訂視則猪膏草素莖有直稜兼有斑點葉似蒼耳而

微長似地崧而稍薄對節而生莖葉皆有細毛肥壤

一株分枝數十八九月開小花淡黃色中有長子如

茼蒿子外萼有細刺黏入地崧則青莖圓而無稜無

斑無毛葉皺似崧芥亦不對節觀此則似與成張二

氏所說相合按成訥所說高三尺許節葉相對張詠所說金稜銀線素莖紫莖對節而生莖葉頗同蒼耳故瀕湖言其相合第是處皆產隨地稍異唯取紫莖有稜而不圓節葉皆相對莖葉皆有細毛今河南陳州采豨莖充方物其狀亦是豬膏草則沈氏謂豨莖即豬膏莖者其說無疑矣二草之辨即反面葉亦異詳天名精條清劉若金本草述

庶物類纂草屬卷之十三目次

藁耳

天明精

羊屎柴

藁耳

一名胡藁神農本草 一名地葵同上 一名蒞名醫別錄 一
 名常思菜同上 一名羊負來本草圖經 一名道人頭
同上 一名喝起草救荒本草 一名豬耳本草綱目 一名進
 賢菜同上 一名野茄同上 一名縑絲草同上 一名野
 落蘇醫學集要 一名鼠泉同上 一名地冷同上 一名胡
 寢草寧波府志 一名殢頭婆肇慶府志 一名葇蒞河間府志
 一名野茄棵重修江府志 一名羊帶來寧洋縣志

俗名異忒魯皿
州 播摩

菴耳


菴耳陶隱居云此是常思菜儉切七行人皆食之以葉覆麥作黃衣者一名羊負來昔中國無此言從外國逐羊毛中來方用亦甚稀唐本注云蒼耳三月已後七月已前刈日乾為散夏水服冬酒服主大風癩癩頭風溼痺毒在骨髓日三服丸服二十三十丸散服一二七服滿百日病當出如癩疥或癢汁出或斑駁甲錯皮起後乃皮落肌如凝脂令人省睡除諸毒螫殺疥溼蠶久服益氣耳目聰明輕身強志主腰膝中

風毒尤良忌食豬肉米泔亦主御狗毒今按陳藏器本草云菘耳葉按安舌下令涎出去目黃好睡子炒令香搗去刺使腹破浸酒去風補益又燒作灰和臘月豬脂封丁腫出根又種中子七枚燒作灰投酒中飲之勿令知主嗜酒葉煮服之主狂狗咬臣禹錫等謹按爾雅云菘耳苓耳注廣雅云菘耳也亦云胡菘江東呼為常菘或曰苓耳形似鼠耳叢生如盤釋曰詩周南云采采菘耳陸璣疏云葉青白色似胡荽白華細莖蔓生可煮為茹滑而少味四月中生子如婦

人耳璫幽州人謂之爵耳嘉祐補註本草

謹按菘耳即蒼耳也與菘耳大別諸家本草誤以為一物亦為不善讀爾雅也

菘耳生安陸川谷及六安田野今處處有之謹按詩人謂之菘耳爾雅謂之苓耳廣雅謂之菘耳皆以實得名也陸璣疏云葉青白似胡荽白華細莖蔓生可煮為茹滑而少味四月中生子正如婦人耳璫今或謂之耳璫草鄭康成謂是白胡荽幽州人呼為爵耳郭璞云形似鼠耳叢生如盤今之所有皆類此但不



作蔓生耳。或曰此物本生蜀中。其實多刺。因羊過之。毛中黏綴。遂至中國。故名羊負來。俗呼為道人頭。實熟時採之。古今方書多單用。治了腫困甚者。生搗根。葉和小兒溺絞取汁。令服一升。日三。又燒作灰。和臘月豬脂封上。須臾拔出根愈。本草圖經

菡耳。按周憲王救荒本草云。蒼耳葉青白。類黏糊菜。葉秋間結實。比桑椹短小。而多刺。嫩苗煤熟水浸淘。拌食可救飢。其子炒去皮。研為麪。可作燒餅食。亦可熬油點燈。明李東璧本草綱目

陶隱居曰。泉耳生安陸川谷及田野間。今所在有之。與麥互相為候。古人謂麥黃種泉。泉黃種麥。是也。細莖蔓生。高二三尺。有黑斑點。葉如葵。七八月開細白花。結實如婦人珥璫。外殼堅韌多刺。中有兩仁。宛如人腎。修治炒黃。去外皮刺。取仁用。其莖葉可煮為茹。滑而無味。鹽醋拌食尤佳。又嫩苗水洗淨。煤熟食。可救飢。其實炒磨去皮殼。其內仁可作餅食。又可熬油。作燈。郭氏云。今一種叢生如盤。高三四尺。不作蔓生。其苗莖花實與蔓生者亦異。明倪朱謨本草彙言

蒼耳本草名菘徒音耳俗名道人頭又名喝起草一名

胡菘一名地葵一名菘詩音一名常思一名羊負來詩

謂之卷耳爾雅謂之苓耳生安陸川谷及六安田野

今處處有之葉青白類黏糊菜葉莖葉稍間結實比

桑椹短小而多刺其實味苦甘性溫葉味苦辛性微

寒有小毒又云無毒救飢採嫩苗葉熟換水浸去苦

味淘淨油鹽調食其子炒微黃擣去皮磨為麩作燒

餅蒸食亦可或用子熬油點燈明徐光啓農政全書

玄扈先生曰油可食北人多用以煤寒具同上

治一切丁腫方右用蒼耳根莖苗子但取一色燒為

灰醋泔淀和泥塗上乾即易不過十度根即拔神良

余以正觀四年忽口角上生丁腫造甘子振家每為

貼藥經十日不瘥余以此藥塗之得愈已後常作此

藥以救人無有不瘥者故特論之以傳後嗣丁腫方

殆有千首皆不及此雖齊州榮姥方亦不能勝此物


造次易得也唐孫真人備急千金要方

藥至賤而為世要用未有若蒼耳者他藥雖賤或地

有不產惟此藥不問南北夷夏山澤斥鹵泥土沙石

但有地則產其花葉根實皆可食食之則如藥治病無毒生熟丸散無適不可愈食愈善乃使入骨髓滿肌如玉長生藥也主療風痺癱緩癩瘡瘡痒不可勝言尤治癩金瘡一名羊負來詩謂之卷耳疏謂之泉耳俗謂之道人頭海南無藥惟此藥生舍下遷客之幸也已卯二月望日書蒼耳錄○宋蘇東坡文集
泉耳并根苗葉實皆濯去塵土懸陰淨掃洒地上燒為灰澄淋取濃汁泥連二竈煉之俟灰汁耗即旋取匄釜中已 灰汁益之經一日夜不絕火乃漸得霜

乾甕瓶盛每服早晚臨睡酒調一錢匕補暖去風駐顏不可備言尤治皮膚風令人膚革滑淨每淨面及浴取少許如澡豆用尤佳無所忌蘇昌圖之父從諫宜州文學家居於邕服此十餘年年八十七紅潤輕健蓋專得此藥力也煉泉耳霜法○同上
治脚氣蒼耳葉九蒸九曝為細末酒打飛羅麩為糊丸如梧桐子大每服五七丸至百丸空心温酒下有一軍人苦脚氣服此不惟病去年踰九十行步如飛宋王璆百一選方



野落蘇即兼絲子
明王月堂證治準繩

蒼耳本草作葇耳
即詩所謂卷耳也
一名羊負來
八

通志

蒼耳俗名野茄
稞
重修鎮江府志

蒼耳一名胡寢草
寧波府志

蒼耳詩作卷耳
楚辭作菴
廣雅作臬
子有刺
作鉤
著

衣及髮皆殫黏不脫俗呼殫頭婆
治風溼
肇慶府志

蒼耳東坡說藥至賤而為世要用
未有如蒼耳者多

食愈善久乃使入骨髓滿肌理如玉
長生藥也
瓊州府志

蒼耳一名羊負來
雷州府志

蒼耳子土人多以煮酒
其葉夏月採以煎湯浴之
萬曆

杭州府志

蒼耳草其子有利
河間府志

蒼耳草即葇菴
河間府志

蒼耳東坡說藥至賤而為世要用
未有如蒼耳者他藥雖賤或地有不產
惟此藥不問南北夷夏山澤斥鹵泥土沙石但有地則產
其花葉根實皆可食
食之如菜亦治病無毒生熟丸散無適不可多食愈善久

乃使入骨髓滿肌理如玉長生藥也雜療風痺癱瘓
癢瘡瘡痒不可勝言尤治癩金瘡一名鼠黏子一名
羊負來詩謂之卷耳疏謂之泉耳俗謂之道人頭海
南無藥惟此藥生舍下多於茨棘遷客之幸也儋州志

謹按鼠黏子即芴翁菜非蒼耳也

蒼耳子即車前子吳縣志

謹按此說誤

蒼耳主頭風麩穗用之香山縣志

蒼耳俗名羊帶來寧洋縣志

蒼耳菴耳也實如桑椹而多刺重修靖江縣志

蒼耳子入腦除風通行周身功同豨薟而時不知用

向在姚有僕署中有令親黃腫百藥不効承蒼耳根

葉三食之遂愈杜工部有咏蒼耳詩但子欲去刺

又欲取仁最難不如熬根葉為膏易耳中履曰姚有僕年伯諱奇

胤老父庚辰同門也丙戌以御史死度暄曰此藥能滿骨髓卻疾輕身功可配老君筋○清皖桐方氏物

識

蒼耳草又名野落蘇其子曰蒼耳子黏入衣葉可用

能去風亦治蛇傷犬咬清朱鳳台醫學集要

鼠泉一名卷耳草一名地冷上同

天名精

一名蒴藋爾雅一名豕首上同一名豨首郭璞爾雅註
 一名火葢鄭夾漈爾雅註一名麥句薑神農本草一名蝦
 墓藍上同一名天門精名醫別錄一名玉門精上同
 名彘顛上同一名蟾蜍蘭上同一名覲上同一名鹿
 活草唐本一名天蔓菁上同一名地菘上同一名
 鶴蝨上同一名鵠蝨上同一名蚶蝮草本草綱目一名
 皺面草上同一名母豬芥上同一名杜牛膝上同一
 名劉愷草酉陽雜俎一名皺面地蔥百方選一名皺

皮草保命一名長青草名醫類案一名雪裏青同上

一名荔枝草同上一名蛤蚧草先醒齋筆記一名過

冬青同上一名天麻地菘炮炙大法一名癩蝦蟆草

外科正宗一名皺地草證治大還

俗名也卜他拔哥山城州

天名精

芎藭豕首爾雅○芎音列藭音其豕傷氏切

本草曰：最顛一名蟾蜍蘭今江東呼豨首可以燭蠶

蛹晉郭璞爾雅註

芎藭藥草名一名豕首一名最顛一名蟾蜍蘭一名

天名精一名麥句量一名蝦蟇藍一名天門精一名

玉門精別錄一名天蔓精南人名為地菘味甘辛故

有薑稱狀如藍故名蝦蟇藍香似蘭故名蟾蜍蘭郭

云江東呼豨首可以燭蠶蛹者三蒼云燭熬也宋邢昺爾

雅疏

芎音列，藪音真，天名精也。今謂之火，宋鄭夾漈
爾雅註天名精，陶隱居云：此即今人呼為豨，音喜，音欣，亦名豨
 首。夏月搗汁服之，以除熱病，味至苦而云甘，恐或非
 是。唐本注云：鹿活草是也。別錄一名天蔓菁，南人名
 為地菘，味甘辛，故有薑稱，狀如藍，故名。蝦蟇藍香氣
 似蘭，故名。蟾蜍蘭主破血生肌，止渴利小便，殺三蟲，
 除諸毒腫，丁瘡癩痔，金瘡內射，身痒癢，瘡不止者，搗
 之立已。其豨莨苦而臭，名精，乃辛而香，全不相類也。

臣禹錫等謹按蜀本圖經云：地菘也。小品方名天蕪
 菁，一名天蔓菁，聲並相近。夏秋抽條，頗似薄荷，花紫
 白色，味辛而香，其葉似山南菘菜。爾雅云：芎藭，豨首。
 釋曰：藥名也。一名麥句薑。郭云：江東豨首可以燭蠶
 蛹者，三蒼云：燭熬也。藥性論云：麥句薑使味辛，治瘡
 止血及鼻衄不止。陳藏器云：天名精，本經一名麥句
 薑。蘇云：鹿活草也。別錄云：一名天蔓菁。南人呼為地
 菘，與蔓菁相似，故有此名。爾雅云：大鞠，蓬麥。注云：麥
 句薑，蓬麥，即今之瞿麥。然終非麥句薑。爾雅注錯如

此陶公注釣樟條云有一草似狼牙氣辛臭名為地
菘人呼為劉愷草主金瘡言劉愷昔曾用之異苑云
青州劉愷宋元嘉中射一麀剖五藏以此草塞之蹶
然而起愷怪而拔草便倒如此三度愷密錄此草種
乏主折傷多愈因以名焉既有活鹿之名雅與麀事
相會陶蘇兩說俱是地菘功狀既同定非二物嘉祐補註

草本地菘臣禹錫等謹按本經草部上品天名精唐注云
南人名為地菘又尋所主功狀與此正同及據陳藏

器解紛合陶蘇二說亦以天名精為地菘則今此條
不當重出雖陳藏器拾遺別立地菘條此乃藏器自
成一書務多條自爾解紛拾遺亦自差互後人即不
當仍其謬而重有新附也今補注立例無所刊削故
且存而注之同上

鶴蝨唐本注云子似蓬蒿子而細合葉莖用之胡名
鵠蝨今按別本注云心痛以淡醋和半匕服之立差
出波斯者為勝今上黨亦有力勢薄於波斯者唐本先附
上 ○同

謹按鶴字諸本俱同江陰縣志云鶴蟲一名鶴蟲據此非云鶴通作鶴

天名精生平原川澤今江湖間皆有之夏秋抽條頗如薄荷花紫白色葉如菘菜而小故南人謂之地菘香氣似蘭故名蟾蜍蘭狀如藍故名蝦蟇藍其味甘辛故名麥句薑一名豕首爾雅所謂列莖音豕首是也江東人用此燻音炒蠶蛹五月採此草既名地菘下品又有地菘條陶隱居釣樟條說地菘事見異苑宋元嘉中劉愷音獲為青州射一麀既剖五藏以此

草塞之蹶然而起愷怪而拔草便倒如此者三愷密錄以種之主折傷多愈因名劉愷草陳藏器以謂此草既有鹿活之名雅與麀事相會當便是一物不疑矣故并於此見之本草圖經

鶴蟲生西戎今江淮衡湘間皆有之春生苗葉皺似紫蘇大而尖長不光莖高二尺許七月生黃白花似菊八月結實子極尖細乾即黃黑色採無時南人呼其葉為火杓音杓謹按豨莶音杓即火杓也雖花實相類而別是一物不可雜用也殺蟲方中此為最要同上

按沈括筆談云世人既不識天名精又妄認地菘為火杓本草又出鶴蟲一條都成紛亂不知地菘即天名精其葉似菘又似蔓菁故有二名鶴蟲即其實也又別錄有名未用莖菘即此地菘亦係誤出今竝正之合而為一

明李東壁本草綱目

天名精嫩苗綠色似皺葉菘芥微有狐氣淘淨燂之亦可食長則起莖開小黃花如小野菊花結實如苧蒿子亦相似最黏人衣狐氣尤甚炒熟則香故諸家皆云辛而香亦巴人食負蠶南人食山柰之意爾其根白色如短牛膝此物最賤而唐本草言鶴蟲出西戎宋本草言出波斯者何哉蓋當時人不知用之惟西戎波斯始知入藥且土產所宜故爾亦苜蓿云出西域而不知中國飼馬者即是也詳見豨薺下

同上

地菘即天名精也世人既不識天名精又妄認地菘為火菘本草又出鶴蟲一條都成紛亂今按地菘即天名精蓋其葉似菘又似名精名精即蔓菁也故有二名鶴蟲即其實也世間有單服火菘法乃是服地菘耳不當服火菘火菘本草名豨薺即是豬膏毒後人不識亦重復出之宋沈存中夢溪筆談

天名精一曰鹿活草昔青州劉愷宋元嘉中射一鹿剖五藏以此草塞之蹶然而起愷怪而拔草復倒如此三度愷密錄此草種之多主傷折俗呼為劉愷草

唐段成式酉陽雜俎

天名精曰豨首宋鄭夾深昆蟲草木略

治風熱上攻齒痛余頃任淮西幕府已酉冬被檄來和州至含山縣齒痛大作忽於一刁鐮人處得草藥一捻許以湯泡少時冷暖隨意以手指蘸水滾痛處即定明日若失去歸余因傳得其方後以治人多効

皺面地蔥子即本草猪簽又名地菘者霜後收之每用少許湯泡或云即是鶴蝨但本草別有鶴蝨差為不同沈存中筆談專辨地菘云其子名鶴蝨余之所用正是此物也錢季誠方用鶴蝨壹枚摺置齒中高監云以米醋煎鶴蝨漱口其痛立定尤妙宋王璆百一選方治翻胃及脾間諸疾腹痛泄瀉圓通維那可觀傳渠曾親得効皺面地蔥花即火枚草花也右不以多少焙乾為細末蜜煮麩糊為元如梧桐子大每服五十元白湯送下不拘時候同上

謹按百一選方丸皆作元皴面地蔥即地菘與火
杓草別也

爾雅荊蕀豕首呂氏春秋云豨首生而麥無葉神農
本草經云夏至之日豕首菜莢先生豕首圖經藥錄
謂之天名精一名天蔓菁名精即蔓菁轉語也又名
蟾蜍蘭今俗名豨荻草也又蠡實亦名豕首即月令
所謂荔枝也以冬至生與此同名異物明楊升菴文集
豕首染草名見周禮注釋曰爾雅云荊蕀豕首郭注
云本草曰蠡盧一名蟾蜍蘭今江東呼豨首可以燻

炒蠡蝟勇老郭氏雖有此注不言可染何色則此橐

盧豕首未審鄭之所據也荔枝亦名豕首又名蠡首

與此名同物異明陳懋仁庶物異名疏

蛤蚧草即土牛膝葉如荔枝明丁元薦先醒齋筆記

過冬青即荔枝草正名天明精同上

荔枝草即天明精一名地菘同上

天名精一名過冬青即荔枝草吳人又呼為天麻地

菘搗汁服明繆仲醇炮炙大法

皴皮草即地菘明萬善保命歌括

癩蝦蟆草一名荔枝草四季常有面青背白麻紋壘

壘者明王外科正宗

濮陽傳云凡患腫毒無名者用長青草酒煎服以香

貼患處屢驗其草四季長青似菘菜葉一名雪裏青

一名荔枝草明篁南江名醫類案

地菘一名天門精夏秋抽條頭如薄荷花紫白葉似

菘而小江陰縣志

鶴蝨一名鵠蝨春生苗葉皺如紫蘇而尖長莖高二

尺七月生黃白花似菊八月結實極細同上

鶴蝨葉皺似紫蘇大而尖長寧波府志

天名精出青州味甘寒無毒一名麥句薑一名蝦蟇

藍一名豕首一名玉門精一名彙顛一名蟾蜍藍一

名觀劉禹錫云地菘也夏秋抽條似薄荷花紫白色

味辛香山東通志

鶴蝨即豕首之實豕首豨莶一也○天蔓青訛為天

名精有玉門麥句薑劉愷活鹿地菘蟾蜍蘭諸名即

爾雅之茹蕺豕首也沈存中曰人不識天名精又安

認地菘為火葷本草鶴蝨出波斯者良葢如首宿出

西域而中國飼馬皆是特前不知用耳本草又出鶴
 蟲一條今按地菘即天名精其葉皺似菘鶴蟲即其
 實也世間有單服火菘法乃是服地菘耳不當服火
 菘火菘本草名猪菘即是猪膏母後人不識亦重復
 出之智按爾雅注疏地菘已屬天名精何至宋時存
 中始辨正之蘇頌曰南人呼其花為火杓按火杓即
 豨菘存中云單服火菘是服地菘言亦自戾今專用
 以去風溼成洎張詠皆表進豨菘丸天壇賣豨菘酒
 服之有驗智謂爾雅豕首注云豨豕陶貞白曰天名

精即今之豨菘時珍曰豨菘對節稜莖有斑毛地菘
 不對節莖圓無稜無斑毛王少夫曰豨菘皆識之天
 名精無識者東壁據所見之草耳豨菘去風有驗古
 名豕首必其常用者智按古通名而實別明方以
智通雅
 天名精方藥用之一名蚵蚾草又名皺面草根名杜
 牛膝子名鶴蟲天名精者併根苗而言也清劉若金
本草述
 天名精一名地菘與豨菘易混詳辨於豨菘條按菘
即俗
所謂
白菜
 豨菘草葉反面葉上筋三條毛多軟天名精葉
 反面筋多毛少帶硬些同上

杜牛膝一名天名精一名地菘清汪昂增訂本草備要

鶴蝨沈存中筆記云是杜牛膝子或曰非也別是一

種同上

皺地草即地菘清陳三農證治大還

鶴蝨正誤綱目云鶴蝨即天明精子色黑而光者此時珍之說非也東圃曰鶴蝨草之子也其草高尺餘疎莖對節色青而有毛葉面青黑而背淡尖而成扇分極有鋸齒初夏開細白花如胡蘿蔔花葉亦相似四月枝頭結子成簇有毛宛似蟲蝨之狀五月子莖

皆枯則可取矣採草藥者能識生藥肆中不市賣也

其莖葉則未枯時亦可用清王遜醫林四書

謹按鶴蝨天明精子李時珍說不誤也詳讀東圃


所說形狀即是蛇牀子非鶴蝨也

鶴蝨即天名精子勿誤胡菴子清張璐醫通

土牛膝豈即天名精耶所載形象及性味功用殆相同也但專主破血不似川牛膝兼補精血用牛膝春夏用葉秋冬用根唯葉汁效尤速凡服牛膝忌牛肉

清顧元交本草彙箋

植物類集
卷十一



羊屎柴

一名牛屎柴

本草綱目

植物類集
卷十一

草屬 羊屎柴 一

魚物類

羊屎柴

羊屎柴按乾坤生意云一名牛屎柴生山野中葉類鶴蟲四月開白花其葉主癰疽發背擣傳之冬月用根可以毒魚明李東壁本草綱目

羊屎柴一名牛屎柴生山野葉類鶴蟲四月開白花亦有紅花者結子如羊屎狀名鐵草子根可毒魚夏用苗葉冬用根主癰疽發背擣爛傳之能合瘡口散膿血乾者為末漿水調傳又治下血如傾水取生根一斤生白酒二斗煮一斗空心隨量飲同上

藥物類

卷十三

草屬

羊屎柴

二

庶物類纂
卷十四

庶物類纂草屬卷之十四目次

白茅

菅茅

薙


石芒

青茅

庶物類纂
卷十四

草屬目次

蕪物類纂



白茅

一名蘭根神農本草 一名茹根同上 一名地管同上

名地筋同上 一名兼杜同上 一名絲茅本草綱目

俗名紫拔奈

蕪物類纂

草屬

白茅

一

庶物類編

白茅

茅陶隱居云此即今白茅管音詩云露彼管茅其根
 如渣芹甜美服食此斷穀甚良俗方稀用惟療淋及
 崩中爾唐本注云管花味甘溫無毒主衄血吐血灸
 瘡臣禹錫等謹按藥性論云白茅臣能破血主消渴
 根治五淋煎汁服之陳藏器云茅針味甘平無毒主
 惡瘡腫未潰者煮服之服一針一孔二針二孔生按
 傳金瘡止血煮服之主鼻衄及暴下血成白花者功
 用亦同針即茅笋也

嘉祐補
注本草

庶物類編

草屬

白茅

二

茅根生楚地山谷田野今處處有之春生苗布地如針俗間謂之茅針亦可噉甚益小兒夏生白花茸茸然至秋而枯其根至潔白亦甚甘美六月採根用今人取茅針按以傅金瘡塞鼻洪止暴下血及溺血者殊効劉禹錫傳信方療癰腫有頭使必穴方取茅錐一莖正爾全煎十數沸服之立潰若兩莖即生兩孔或折斷一枝為二亦生兩穴白茅花亦主金瘡止血又有管亦茅類也陸璣草木疏云管似茅而滑無毛根下五寸中有白粉者柔韌宜為索漚之尤善其未

漚者名野管詩所謂白茅束兮是此也入藥與茅等其屋苦茅經久者主卒吐血細剉三升酒浸煮服一

升良也

本草圖經

茅芽根本草名茅根一名蘭根一名茹根一名地管音奸一名地筋一名兼杜又名白茅管其芽一名茅針生楚地山谷今田野處處有之春初生苗布地如針夏生白花茸茸然至秋而枯其根至潔白亦甚甘美根性寒茅針性平花性溫俱味甘無毒救饑採嫩芽剥取嫩穰食甚益小兒及取根啞食甜味久服利入

服食此可斷穀

明周憲王救荒本草

茅葉如矛故謂之茅其根牽連故謂之茹易曰拔茅連茹是也有數種夏花者為茅秋花者為菅二物功用相近而名謂不同詩云白華菅兮白茅束兮是也別錄不分茅菅乃二種謂茅根一名地管一名地筋而有名未用又出地筋一名管根蓋二物之根狀皆如筋可通名地筋不可竝名管今正之

明李東壁本草綱目

茅有白茅菅茅黃茅香茅芭茅數種葉皆相似白茅短小三四月開白花成穗結細實其根甚長白軟如

筋而有節味甘俗呼絲茅可以苫蓋及供祭祀苞苴之用本經所用茅根是也其根乾之夜視有光故腐則變為螢火管茅只生山上似白茅而長入秋抽莖開花成穗如荻花結實尖黑長分許黏衣刺入其根短硬如細竹根無節而微甘亦可入藥功不及白茅爾雅所謂白華野菅是也似管茅而莖上開葉莖下有白粉根頭有黃毛根亦短而細硬無節秋深開花穗如管可為索絢古名黃管別錄所用管根是也香茅一名菁茅一名瑤茅生湖南及江淮間葉有三脊

其氣香芬可以包藉及縮酒禹貢所謂荊州苞匭菁
茅是也芭茅叢生葉大如蒲長六七尺有二種即芒
也見後芒下同上

白茅包之茅之白者古用包裹禮物以充祭祀縮酒

唐陸璣毛詩草
用木鳥獸蟲魚疏

茅白花詩曰手如柔荑即此八閩
通志

茅本草一名茹根一名地筋有黃茅菁茅白茅菅茅
芭茅數種黃茅所在山中皆有之南方山谷蒸溼叢
氣所謂黃茅瘴陶燹所資葉長可以編屋毛詩所謂

晝爾于茅菁茅即香茅也短小葉有二春其氣芬香
可以縮酒禹貢所謂包匭菁茅是也白茅葉短小其
根甚長白軟如筋而有節俗呼絲茅可為包苴之用
周易藉用白茅毛詩白茅包之是也菅茅似白茅而
長入秋開花如荻結實黏衣刺入其根短硬如細竹
爾雅白華野菅是也芭茅爾雅曰苾杜榮寰宇志作
芭芒謂可作籬芭也今俗呼芒筍茅葉茅花竹身長
丈餘可緯作魚箔肇慶
府志
茅易藉用白茅禮縮酌用茅詩晝爾于茅列子因以

為茅靡皆茅也 海澄縣志

茅根春生布地如針夏開白花根至潔白 江陰縣志

菅茅

一名白華 爾雅

菅茅

白華野菅

爾雅○菅音姦

菅茅屬詩曰白華菅兮

晉郭璞爾雅註

舍人云白華一名野菅陸璣云菅似茅而滑澤無毛

根下五寸中有白粉者柔韌宜為索漚乃尤善矣郭

云菅茅屬此白華亦是茅之類也漚之柔韌異其名

謂之為菅因謂在野未漚者為野菅耳詩小雅云白

華菅兮是也

宋邢昺爾雅疏

小雅云白華菅兮今亦謂之菅似茅而高大

宋鄭夾漈爾雅

註

管亦茅類也。陸璣草木疏云：管似茅而滑無毛，根下五寸中有白粉者，柔靱宜為索。漚之尤善，其未漚者名野管。詩所謂白茅束兮，是此也。入藥與茅等。本草圖經

管茅只生山上，似白茅而長，入秋抽莖，開花成穗，如荻花結實，尖黑，長分許，黏衣刺人，其根短硬如細竹，根無節而微甘，亦可入藥。功不及白茅。爾雅所謂白華野管是也。明李東璧本草綱目

管似茅而滑澤無毛，根下五寸中有白粉者，柔靱宜

為索漚乃尤善矣。唐陸璣毛詩草木鳥獸蟲魚疏

孔疏曰：鄭箋云：人刈白華于野，已漚之名之為管。然則管者已漚之名。未漚則但名為茅。明毛晉陸疏廣要

濮氏曰：左傳云：雖有絲麻，無棄菅蒯。蒯與管皆謂菅也。黃花者俗名黃芒，即蒯也。白華者俗名白芒，即管也。異物志云：香管似茅而葉長大于茅，不生漚，下之地凡所蒸享，必得此管包裹，助調五味。同上

按郭景純云：管茅屬而陸疏鄭註朱傳俱云似茅，確是二物。下章云：露彼管茅，猶逸。詩云：無棄管蒯也。茅

乃散材管為女作織微所不棄者故東門之池與麻
紵同詠也孔氏以為已漚為管未漚為茅恐未必然
惟邢氏云未漚為野管斯得耳濮氏以為苕想誤認
為蓍條之醜矣若異物志所載香管又是一種想成
王時會人獻以管即此類也同上

管似茅而光澤無毛根下五寸許有粉者柔韌可為

索八閩通志

管爾雅曰白華野管陸璣曰管似茅而滑澤無毛詩

白華管兮逸詩無棄管蒯汀州府誌

管茅似白茅而長入秋開花如荻結實黏衣刺入其

根短硬如細竹爾雅白華野管是也肇慶府志

管茅屬河間府志

管草捆屨織席並用吳縣志

管爾雅曰白華野管陸璣曰管似茅而滑澤無毛詩

白華管兮逸詩無棄管蒯海澄縣

庶物類集 卷十四

苙

一名杜榮爾雅 一名芒草鄭夾滌 一名笹茅草本
目綱 一名芒筍肇慶府志

俗名和絜

庶物類集 卷十四

草屬 苙

一

庶物類纂 卷十四

苙

苙杜榮

爾雅○苙音亡

今芒草似茅皮可以為繩索履屨也

晉郭璞爾雅註

芒草一名杜榮郭云今芒草似茅皮可以為繩索履

屨也者屨草履也

宋邢昺爾雅疏

即芒草也似菅茅可為履繩芒音忘

宋鄭夾漈爾雅註

芒爾雅作苙今俗謂之筴茅可以為籬笆故也

明李東璧

本草綱目

芒有二種皆叢生葉皆如茅而大長四五尺甚快利

傷入如鋒刀七月抽長莖開白花成穗如蘆葦花者
芒也五月抽短莖開花如芒者石芒也並於花將放
時剥其籜皮可為繩箔草履諸物其莖穗可為掃帚
也同上

芭茅叢生葉大如蒲長六七尺有二種即芒也同上

苙似茅可為繩索履屨亦可為簾八閩通志

謹按汀州府誌同

苙似茅可以為繩索履屨福州府志

芭茅爾雅曰苙杜榮寰宇志作芭芒謂可作籬笆也

今俗呼芒筍茅葉茅花竹身長丈餘可緯作魚箔肇慶府志

府志

芒爾雅曰苙杜榮郭註曰今芒草皮可為繩索履屨

海澄縣志

芒肖茅而大葉杪鈔刺如芒香山縣志

芒似茅可為繩索履屨亦可為簾邵武志作苙閩書

芭茅人家多種岸邊或圍宅以當牆六月生花七八

月連莖收以為簾亦謂之筍簾太倉州志

石芒

一名折草
證類本草

俗名革養

草屬

石芒

一

石芒

石芒味甘平無毒主人畜為虎狼等傷恐毒入肉者取莖雜葛根濃煮服之亦取汁生高山如芒節短江西人呼為折草六月七月生穗如荻也

陳藏器餘宋唐慎微證

草類本

芒有二種皆叢生葉皆如茅而大長四五尺甚快利傷人如鋒刀七月抽長莖開白花成穗如蘆葦花者芒也五月抽短莖開花如芒者石芒也竝於花將放時剝其籜皮可為繩箔草履諸物其莖穗可為掃帚

庶物類聚 卷十四

也。明李東璧
本草綱目

青茅

俗名革里也思

庶物類聚 卷十四


草屬

青茅

一

青茅

吳錄地理志曰桂陽郴縣有青茅可染零陵泉陵有香茅古貢之縮酒明毛晉陸疏廣要



庶物類集
卷一

